

IIISIMATUSAREIK

Quppersagaq



2021

University of Greenland



A – E	6
Ajortoqarnera pillugu nalunaarneq	6
Akisarsiat allagartaat.....	6
Allagarsiiviit.....	6
Allatanik anillatsitsinissamut aamma kopeerinissamut periarfissat.....	7
Ammasarfiit:.....	7
Angalanerit.....	7
Ataatsimoortumik atuartitsineq	7
Attaveqarfissaq	8
Atuakkat aamma atuakkanut tapiissut	8
Atugaateqarfik	8
Atuariartortussaatitaaneq	8
Atuarnermut teknik	9
Atuarnissamut aamma ilinniarnissamut inissat.....	9
Atuartitsinissamut pilersaarut	9
Aviisit aamma atugassiat	9
Bussit aamma ingerlaarfiitut pilersaarutit	10
ECTS.....	10
E-mail	10
Ernineq aamma erninermut atatillugu atuanngiffeqarneq	10
F – I	11
Facebook aamma Instagram.....	11
Holdinut ilanngunneq	11
Ilaquttanik qanigisanik toqusqartillugu	11
Ilanniagaqarnermi taarsigassarsiat	12
Ilanniagaqarnersiutit aamma qiortakkat	12
Ilinniarnermi avatangiisit	12
Ilinniarnermik ataqtigissaarisoq.....	12
Ilinniarnermik ingerlatsinermut uppernarsaat	13
Ilinniarneq aamma ileqqorissaarnermut malittarisassat.....	13
Ilinniartumit ilinniartumut aaqqissuussinerit	13
Ilinniarnermik ingerlatsineq.....	13




Ilinniartitaanerup aaqqissuunera.....	13
Ilinniartunik ilitsersuineq aamma siunnersuineq.....	14
Ilinniartut immikkut pisariaqartitsisut	14
Ilinniartutut ineriertorneq pillugu oqaloqatigiinneq	14
Ilinniartunut sikaaviit	14
Ilinniartutut sulineq	15
Ilinniartunut sullissineq.....	15
Ilinniartut taamaatiinnarnissaannik pinaveersaartinniarlugu iliuutsit	15
Intraneti	15
J - P	17
Kantiina	17
Karakterit aamma karakterit tulleriaarnera	17
katak.gl.....	17
Kollegie aamma pissutsit tamatumunnga tunngasut	17
Lectio.....	18
Legatinik ujarlerneq	18
Mentorit.....	18
Mentori	18
Merit	18
Microsoft office 365 – ilinniartunut.....	19
Naammagittaallioressimut ilitsersuut.....	19
Napparsimanermi qiortakkanik qiorsineq	19
Nunanut tamalaanut allaffik	19
Nunami allami ilinniakkamik ingerlatsineq	19
PC	20
Pitaq - studentterrådi	20
Pitarfik.....	21
Praktikerneq.....	21
Pujortarneq aamma qui pujortartarfik	21
S - Å	22
Semester	22
Semesterimi atugassanut ilisivik	22
Sikkilinut inissiiviit aamma sikkilinut qui.....	23
Siulersuisut:.....	23



Soraarummeerneq aamma soraarummeeqqinneq	23
Soraarummeerneq pillugu naammagittaalliorneq	23
Soraarummeernermi uukapaatitsineq aamma allat allaaserereersimasaanik assiliineq	24
Studiekorti.....	24
Sulilernissamut ilitsersuineq	24
Torersaaneq	25
Unikkallarneq	25
Uni-mut isernissaq	25
Unitsitsineq	25
Unnukkut pas	25
Qitornamut tapisiaq.....	25
WIFI	25
Wiseflow	26
Init sumiinnerat ilimmarfik	27



AAQQISSUGAANEQ





A – E

Ajortoqarnera pillugu nalunaarneq

Ajortissimasut aamma illuni amigaataasut pillugit, printerini aamma fotokopimaskiinani Johnimut (john@uni.gl) nalunaarutigineqartassapput, eqqaamallugu kopimaskinap/printerip taaguuta ilanngutissagakku.

PC sumiiffimmi ajortissimappat IT-mik ikiusartunut nalunaarutigineqartassapput.

Allagit uunga: ikiuut@uni.gl

Sianerit uunga: 385616 (nal. 8-16).

Akisarsiat allagartaat

Qaammatikkaartumik akissarsiavit allagartaat aamma ilinniagaqarnersiutini qiornerit sinneruttut misissorsinnaavatit uani www.sullissivik.gl.

Allagarsiivit

Studenterrådi Pitaq quleriinni allermi elevartorip eqqaani allagarsiiveqarpoq. Tassani takusinnaavatit studenterrådimit piffissami aggersumi aaqqissuunneqartut ingerlanniakkat.

Illit aammattaaq pappiaqqamut allallugu studenterrådip ingerlassinnaasaanut siunnersuuteqarsinnaavutit, taanna allagarsiivimmi boksimut ikissavat.

Allagarsiussat allat Ilisimatusarfimmi aamma avataani pisussat pillugit saaffiginnittarfiup qanittuani allagarsiivimmi allami malinnaaffigisinnaavatit.



Allatanik anillatsitsinissamut aamma kopeerinissamut periarfissat

Ilinniartutut periarfissaqarputit allatannik anillatsitsinissamut kopimaskiinat

Ilisimatusarfimmi assigiinngitsuni inisisimasut atorlugit. Taamaattorli malugiuk

allaffik/allaffeqarfik immikkut printereqarmata/kopimaskiinaqarmata. Allakkannik
anillatsitsisinnaavutit uku arlaat aqqutigalugit:

1. uni.gl / login / print / printerkode pigisat atorlugu iseriarlutit
2. USB printerimut/kopimaskiinamut ikkullugu.

Akigitinneqartut kopi/print qernertoq-qaqortoq ataaseq 10 øre kopi/print qalipaatillugu
ataaseq 40 øre. Saaffiginnittarfimmi kopeerinermut kontunnut minnerpaamik 50 koruuninik
akiliissaatit. Allattanik anillatsitsiarlutit nammineq printeri immikkut mailikkut tigusimasat
atussavat uunga “uniprint” siullerpaamik anillatsitsininni. Printerinermut kortit
immeqqinniarukku taamatuttaaq saaffiginnittarfimmut saaffiginnissaatit.

Ammasarfiit:

Matu isertarfik ullaat tamaasa ammasarloq nal. 7.30-16.00

Kantiina ullaat tamaasa ammasarloq nal. 8.00-15.00

Atuagaateqarfik ullaat tamaasa ammasarloq nal. 9.00-16.00

Angalanerit

Ilinniarnerup aallartinnerani angalanissamut akiliunneqassaatit illoqarfik angerlarsimaffigisat
tassaanngippat Nuuk. Angalanermut akiliunneqarnissamut piumasaqaataavoq
ilinniarnersuiteqarnissat aamma ilinniarninni qiuukkanik arfineq marlunnik suli sinneqernerit.
Qinnuteqernermut immersugassaaq aallarnissat sapaatit akunnerinik sisamanik sioqqullugu
elektroniskiusumik immersussavat. Link uunga ikkuguk:

https://f.momentumtools.io/?form=v4_qqpydckyziid

Akiliunneqarluni angalaneq pillugu malittarisassat sukumiinerusumik
paasisaqafigisinnaavatit intranetimi Ilinniarneq Sullissinerup iluani.

Ataatsimoortumik atuartitsineq

Ataatsimoortumik atuartitsineq tassaavoq universitetimi atuartitseriaaseq “nalinginnaasoq”,
tassani ilinniartitsisup allassimasoq aallaavigisarpaa taanna sammineqartarpooq
allanneqarsimasunut allanut naleqqersuullugu. Naatsorsuutigineqarpoq illit
ataatsimoortumik atuartitsinernut piareersarsimallutik peqataasarnissat, taamaaliornikkut
ilinniernerit sapinngisamik annertunerpaamik pissarsiaqarfigissagakku.



Attaveqarfissaq

Ilisimatusarfip telefoniata normua pingarneq tassaavoq 38 56 00.

Immikkuualuttut amerlanerit pissarsiarineqarsinnaapput [uani](#).

Atuakkat aamma atuakkanut tapiissut

Ilinniartutut atuakkat ilinniarnermut atugassat nammeneq pisiarineqartussaapput, taamaattorli atuakkanik pisinermut tapinik taaneqartartumik tapiiffingineqassaait semesterimut ataatsimut 1.100 kr.-nik. Ilinniakkamut immikkoortortaqarfimmi aqutsisup ilinniarnerup ingerlanerani atuakkat atorneqartussat allattorsimaffiat ilinniartunut piariissavai ilinniarnerup aallartinnissaa sioqqutingaatsiarlugu. Atuakkamik pissarsiniarninni ajornartorsiuteqaruit, tamanna illit nammeneq akisussaaffigigit aallaaviuvoq, taava tamatigut atuagaateqarfimmut ilitsersorneqarnissannut/ikorneqarnissannut saaffiginnissinnaavutit.

Atugaateqarfik

Atugaateqarfik pillugu paasissutissat tamarmik uani pigineqartut takusinnaavatit:

<https://da.uni.gl/biblioteker/om-os.aspx>

Studiekortimik atuuttumik peqaruit atuagaateqarfiup ammarsarfiata avataani tamatigut atorsinnaavat. Atugaateqarfimmut matu ammassavat kortit atorlugu torsuusami saamiup tungaaniittumi. Eqqaamajuk tamanna qimatsinnagu atukkatit torersaqqaartussaagakkit.

Naatsorsuutiginngisannik studiekortissat sivisualaamik utaqqigukku, taava atuagaateqarfimmi atuakkanik atorniarnissamut allagartamik utaqqiisaasumik tunineqarsinnaavutit.

Atuagaateqarfimmiippoq ini atuakkanik atuarfissiaq tassani aviisnik aamma atuagassianik atuarsinnaavutit. Tassaniipput aammattaaq suliaqarfiusinnaasut immikkoortut, tassani illit PC-t atorlugu sulisinnaavutit.

Tamakkua saniatigut Ilisimatusarfip atuagaateqarfiannut atuakkamik pisisoqarnissaanik siunnersuuteqarsinnaavutit atuagaq atuagaateqarfimmi pigineqanngippat.

Atuariartortussaatitaaneq

Ilinniartitaanerit ilaat atuariartortussaatitaanermut maleruaqqusaqarput, taakkua pillugu ilisimatinneqassaait atuarnerit aallartippat. Taamaattorli eqqaamajuk atuarnermi peqataasarnerit guultit naqebarput ilinniarninni ajungitsumik ingerlassaguit, taamaattumik sapinngisamik sunut tamanut atuariartortassaait!



Atuarnermut teknik

Ilinniarnerpit ingerlanerani fagini atuagassatit amerlaqimmata, sapinngisamik pitsaanerpaaamik atuariaaseqarnissat pingaaruteqarpoq.

Ilinnut iluaqutaasinnaavoq paassisallugu atuagassat sorleq qaasiortumik atuassanerlugu, kiisalu atuagassat sorleq sukumiinerusumik atuartariaqarnerlugu.

- *Pilertortumik atuarneq: Ilinnut iluaqutaassaaq allanneqarsimasut atuareersimasatit pappiaqqamik qallertarukkit. Taamaalioruit taava isitit atuareersimasannut uteqqiassangillat taamaattumillu atuagassatit pilertornerusumik atuarsinnaassavatit*
- *Atuagassanik atuarnissat pilersaarisoruk: Allanneqarsimasoq atuagassat atuarlugu aallartikkuit, ikuutaalluuarsinnaasut pingaaruteqartut tassaapput aallarniut aamma ujarliutit (imarisi) allassimasut. Tassani pingaaruteqarportaaq ukkussilluarnissat aamma taamaalillutit ajornannginnerusumik eqqaamasaqarsinnaassaatit, illit nammineq eqqarsaatigigukku sooq taannarpiaq atuarnerlugu.*

Atuarnissamut aamma ilinniarnissamut inissat

Universitetimi arlalinnik sumiiffissaqarpoq tassani gruppini suleqatigiissinnaallusi imaluunniit illit nammineq kisimiillutit atuarsinnaallutit. Atuagaqateqarfimmi ilinniarnissamut aamma atuarnissamut 1. salimi periarfissaqarpoq. Taakkua nammineq piumassuseq tunngavigalugu atorneqarsinnaapput siulliit siulliullutik periuseq atorlugu. Studiekortimik peqaruit aammattaaq atuagaateqarfik ammasarfiisa atavaatigut atorsinnaavoq studiekort “matuersaatitut” atorlugu. Eqqaamallugu atuinissi kingornatigut torersaasassagassi. Tamatuma saniatigut aamma periarfissaqarputit ilinniarnissamut aamma allannissamut inimi allaffissarititami 01-im 3. salimi.

Atuartitsinissamut pilersaarut

Ilinniartitaanerit amerlanerit semesterinut tamanut atuartitsinissamut pilersaarummik taaneqartartumik suliaqartarput, tassani ilinniartoq pitsasumik takussutissinneqarpoq semesterimi sammineqartussat pillugit, tassunga ilanngunneqartarput ilinniartitsisussat, fagit suunerit aamma ilinniagaq pillugu paasissutissat tamatumunnga attuumassuteqartut.

Aviisit aamma atugassiat

AG aamma Sermitsiaq atuagaateqarfimmi 1. salimi atuakkanut ilioraaffimmiiippot. Taakkua aammattaaq netværkimi intranettimi PDF-itut atuarneqarsinnaapput aamma ilinniartunut drevimi: S/diverse/aviser isissutissaq atugassaq: attat.

Atuagassiat nutaajunerpaat ilisivinni uingasuniippot atuagaateqarfimmi 1. salimi. Normut pisooaanerit atuagaasivinni majuartarfiit talerpiata tungaani inissinneqarsimapput.



Taamaattorli Ilisimatusarfipi atuagassiaatai annillugit atorniarneqarsinnaanngillat.
Inassutigaarput scanneri/kopimaskina atussagit.

Bussit aamma ingerlaarfiitut pilersaarutit

Bussit ingerlaartut Ilisimatusarfip eqqaanut unitartut tassaapput:

Angalasoq 2 (minutsikkaat: '10, '30, '50)

Angalasoq 3 (minutsikkaat: 08:04 aamma 09.14 kingornatigut nal. akunnerit tamaasa 18:14 tikillugu)

Bussit ingerlaarfii tamaasa takusinnaavatit uani:

[Køreplaner – Nuup Bussii A/S](#)

ECTS

ECTS tassaavoq European Credit Transfer System. Naatsorsuineq taanna tassaavoq ilinniakkamik ingerlaqqinnissamut atorneqartartoq EU-mi ilinniakkanik ingerlaqqiffiusunik ilinniarnermi naammassisimasanik nuussinermut atorneqartartoq. ECTS-point tassaavoq uuttuut tassani taamaallaat suliap annertussusiaq taaneqartarluni, imaanngitsoq ilinniarnerup ingerlasimanerata qanoq ajornartigisimanera/nalunartigisimanera. Fagit imaluunniit kursusit ataasiakkaat ilinniagaqarnermi ingerlanneqartut pointinik kisitsisitalerneqartarput, tassani ilisarnaaserneqarpoq ilinniartup suliaqarnissaata annertussusia ilinniarnermi ingerlanneqartunut ataasiakkaanut naammassinninnissamut tunngatillugu. Ilinniartutut ECTS-pointit tunniunneqartarput kursusinut ataasiakkaanut naammassineqarsimasunut aamma soraarummeernernut angusiffiusimasunut. Semesteri ataaseq tamakkerlugu ilinniarsimasaq ECTS-pointinik 30-nik naleqarpoq.

E-mail


Ilinniarnerup aallartinnginnerani e-mailikkut allagarsiffissannik tunineqareersimassaait kiisalu tassunga isissutissaq allat ilisimasassarinngisaat illit atuutilersissavat. Isissutissat puigorukku ikiortissinnaavutit uunga: ikiuut@uni.gl allallutit. Pisussaavutit akuttunngitsumik e-mailit atuartassallugu.

Ernineq aamma erninermut atatillugu atuanngiffeqarneq

Ilinniarnerpit nalaani qitornartaarnermut atatillugu marlunnik periarfissaqarputit:

1. Ernininnut atatillugu atuanngiffeqarsinnaavutit kommunimut erninermut atatillugu aningaasarsiaqarlutit, kisianni piffissami tassani ilinniagaqarnersiuteqassanngilatit aamma kollegiemi najugaqarsinnaanak. Toqqarukku illoqarfimmuit angerlarsimaffigisannut utearlutit erninermut atatillugu atuanngiffeqarniarlutit, angalanermut akiliunneqarnissamut pisinnaatitaaffeqarputit.
2. Ilannakortumik ilinniarnerit ingerlatiinnarsinnaavat ilinniakkanni (minnerpaamik semesterimi ataatsimi 20 ECTS), taava taamaalillutit ilinniagaqarnersiutitit pigiinnassavatit aamma kollegiemi ineqarnerit.

[Arlaat toggarerit apeqgutaatinnagu immersugassaq immersussavat](#)



F – I

Facebook aamma Instagram

Piffissap nalaani nutaarsiassat akuttunngitsumik Facebook aamma Instagram aqqutigalugit saqqummersinneqartarput. Quppernermut iseriarlutit iluariuk “like” imaluunniit malinnaasunngorit “følger”, taamaaliussaatit Ilisimatusarfimmisuqarnersoq malinnaaffiginiarukku.

Holdinut ilanngunneq

Semesterip siulliup kingornatigut ilinniartup nammineq akisussaaffigaa holdimut ilanngunnissani. Ilanngunneq elektroniskiusumik pissaaq una aqqutigalugu: Lectio. Taamaattorli peqqissaanermik imaluunniit læring ilinniartut tassani pineqanngillat, taakkua semesterinut tamanut automatiskiusumik ilanngutsinneqartarput.

Ilaquttanik qaniganik toqusqartillugu

Illit ilinniartutut sumiiffimmut ilisiffingeqartussamut angalanerit akilerneqarsinnaavoq.

Angalanissamut immersuiffissaq immersoruk:

https://f.momentumtools.io/?form=v4_qqpydckyziid

Ilaquqtat qanigisat tassaapput: Angajoqqaat, anaa/aataa, qatanngutit aamma nammineq qitornat. Soraarummeertussaaguit taava periarfissaqarputit taakkua piffissamut allamut kinguartinnissaannut, taamaattoqartillugu soraarummeernermik misiliisimasutut ilanngunneqassanngillat.



Ilinniagaqarnermi taarsigassarsiat

Ilinniagaqarnermi taarsigassarsianik qinnuteqaateqarsinnaavutit immersugassaq immersorlugu uani www.sullisivik.gl

Taamaanngippat ilinniagaqarnersiuteqartitsivik attaveqarfigisinnaavat: usf@nanoq.gl

Ilinniagaqarnersiutit aamma qiorakkat

Ingerlaqqifiusumik ilinniarfinni tamani aallaavigneqarpoq ilinniarnersiuteqarnissamut pisinnaatitaaffeqarnissaq ilinniarnerup nalinginnaasumik naammassiffissaata sivisoqataanik “ukioq kinguaattoorfik” ilanggullugu.

Ilinniarnersiutit siumoortumik tunniunneqartarput maannakkut qaammammut 4.700,00 kr. Qiortakkanik aaqqissuussineq ajornanngitsuuvoq illit nammineq ilinniagaqarnersiutinik aqutsininnut atorsinnaasat. Qiortakkanik aaqqissuussinermi killissarititaapput ilinniartumut ataatsimut 82-it, qiorneq ataaseq tassaavoq qaammammi ataatsimi ilinniagaqarnersiutit. Taamaattorli tamatuma kingunerissanngilaa ilinniarnermi, ukiunik sisamanik sivisussusilimmi qiornerit 82-it atussagtit.

Ilinniagaqarnersiutinik pisartagaqarsinnaavutit ilinniarnerup sivisussusissaatut naatsorsuussamut + qaammatit aaqqaneq marluk (“ukioq kinguaattoorfik”).

Namminersorlutik Oqartussat ilinniagaqarnersiutit pillugit nalunaarutaat nassaarissavat uani: [Ilinniagaqarnersiutit pillugit nalunaarut](#).

Ilinniarnermi avatangiisit

Ilisimatusarfimmi initigut killiussat pigineqareerput ilinniarnermi avatangiisit pitsasut pilersissallugit. Illit ilinniartutut aallartitseqataasussanut ilaassaatit ilinniartut avatangiisianni tassani ingerlatsisoqarnissaanik qulakteerinninnermut. Ilinniartut allat peqatigalugit atuarnermi- ilinniaqatigiinnermi pilersitsigit, avataaneersunit oqalugiartussanik imaluunniit oqallinnermi peqataasussanik ujartuigit. Aallartinniakkat (tamangajammik) atorsinnaapput, taamaattorli ingerlatsinerit/aaqqissuussinerit annertunerusut pillugit Pitaq attaveqarfigiuk.

Ilinniarnermik ataqatigiissaarisoq

Ilinniakkat ilaanni ilinniarnermik ataaqatigiissaarisoqsumik aaqqissuussineq atorneqarpoq, taanna ilinniartut qaninnerpaatut attaveqarfigaat. Ilinniarnermik ataqatigiissaarisoq “illumi ataatsimiinnernik” aaqqissuussisarpoq aamma ilisimalluarpai ilinniarnermi skemani aaqqissuussineq, soraarummeernissamut pilersaarut il.il.

Maannakkorpiaq tulliuttut ilinniarnermik ataqatigiissaarisoqarput:

Javier Arnault, EØ-mut

Mitdlarak Lennert, Inuiaqatigiilerineq

Lene Møller, Inatsisilerineq

Bonnie Jensen, Inunnik Isumaginninneq.



Ilinniarnermik ingerlatsinermut uppernarsaat

Qanittukkut ilinniarnermik ingerlatsinermut uppernarsaat ajornanngitsumik qanoq pissarsiarisinnaanerit pillugu paassisutissiisoqassaaq, taanna oqartussaasunut tamatuminnga ujartuisunut illit takutissinnaavat.

Ilinniarneq aamma ileqqorissaarnermут malittarisassat

Ilisimatusarfimmut tunngasoq uani nanissavat

Ilinniartumit ilinniartumut aaqqissuussinerit

Ilaannikkut ilinniartut namminneq aaqqissuussiniarlutik aallartitsisarput. Imaassinjaavoq ILLIT aaqqissuussinissamik isumassarsisimasutit piviusunngortikkusutannik!

Taamaattoqarpat taava studenterrådip Pitap ataatsimiinneranut peqataasinnaavutit, tassanilu illit isumassarsiatiit saqqummiussinnaavatit.

Eqqaamajuk Studenterrådi Pitaq pingasunngornerit tamaasa nalunaaqutaq 12 ataatsimiittarmat quleriit pingajuanni allaffimmi imaluunniit Pitarfimmi. Ataatsimiinnerit ilinniartunut tamanut ammapput!

Ilinniarnermik ingerlatsineq

Ilinniarnersiutinik pisartagaqarnissamut piumasaqaataavoq ilinniakkamik ingerlatsinermut piumasaqaatinik illit naammassinninnissat. Ingerlaqqiffiusumik ilinniakkani semesterimi ataatsimi ECTS 30-t naatsorsuussaapput. Fagtit tamaasa angusaqarfiginngikkukkit imaluunniit soraarummeerneq pinngitsoorukku, taava ilinniakkamik ingerlatsininni kinguaattoorsinnaavutit.

Illit ilinniakkami ingerlatanni qaammatinik 12-inik kinguaattooruit – taakkua assigaat 60 ECTS-point – taava ilinniagaqarnersiuteqarnissat annaassavat. Taamatuttaaq kollegiemi ineqarnerit annaasinnaavat, ilinniakkami ingerlatanni ingerlatsinngitsutut ilinniarfiup isigippatit.

Februarimi aamma augustimi ilinniarninni siumukarnerit misissorneqartarpooq, tassa imaappoq qiornerit qanoq amerlatigisut atorsimaneritit, taakkununnga sanilliunneqartarpooq ECTS-pointit qanoq amerlatigisut angusimaneritit.

Ilinniartitaanerup aaqqissuunera

Ilinniartitaanerup aaqqissugaanera tassaavoq maleruagassat tunngaviat, tassani allanneqarput fagit suut atuassagitit, tulleriinneri qanoq ingerlassanersut aamma qanoq soraarummeernerit ingerlatissanerit. Isumassarsiatsialaavoq ilinniartitaanerup



aaqqissuunnera ilinniarnerpit aallartinnerani atuassallugu aammataaq akuttunngitsumik taanna uteqqiaffigisassallugu, taamaalillutit illit nammineq ilinniakkannik ingerlaninni siuariartornerit malinnaaffigissagakku. Ilinniakkanut tamanut ilinniartitaanerup aaqqissugaanera nittartakkami uni.gl-imi nanisinnaavaat imaluunniit intranetimi.

Ilinniartunik ilitsersuineq aamma siunnersuineq

Ilinniarnerpit nalaani ikiorneqarnissat, siunnersorneqarnissat imaluunniit ilitsersorneqarnissat pisariaqartikkukku.

Ilinniarnermi ilitsersusoq periarfissaqarpoq ilinniartunik

siunnersuiffimmut tarnimut tunngasunik innersuussissalluni. Aamma illit nammineq inniminniisinhaavutit ugguna: <https://aqqut.gl/oqaloqateqaqqaarnissamik-qinnuteqarit/?lang=gl>

Akeqanngilaq

Tamakku pillugit annertunerusumik

atuarsinnaavutit imaluunniit oqaloqatigiinnissamut inniminniisinhaavutit ugguna studievejleder@uni.gl / Karen Marie Nathansen tlf.: +299 38 56 83 Imal. Varna Marianne Nielsen +299 38 56 23.

Eqqaamajuk piffissamut isumaqatigiissutaasumut ornigunnissannut periarfissaqanngikkuit nalunaassagavit. Piffissaq

atorniakkat allami pisariaqartitsisumit atorneqarsinnaalluarpoq.

Ilinniartut immikkut pisariaqartitsisut



Ilinniartut immikkut
pisariaqartitsisut .pc

Ilinniartutut ineriartorneq pillugu oqaloqatigiinneq

SUS ingerlanneqartarpoq ilinniartunut ukiumi siullermi ingerlasunut ilinniartitaanermi ilinniartitsisunit ingerlanneqartarluni. Ilinniartut sinneri SUS-imi oqaloqatigiinnissamik kissaateqarsinnaasut ilinniarnermi ataqtigissaarisumut saaffiginssinnaapput.

Ilinniartunut sikaaviit

Ilisimatusarfimmi sikaaveqarpoq 56 missaannik amerlassusilinnik ilinniartunit atorneqarsinnaasunik, pedelimit kode pissarsiaralugu atuisoqarsinnaavoq. Paassisutissanik



immersuereernerup kingornatigut kodemik pissarsisoqassaaq. Sikaaviit ukiumi ilinniarfiusumi ataatsimi atorneqarsinnaapput, tassa imaappoq septemberimit julimut, tamatuma kingornatigut sikaavik imaaqqinneqassaaq.

Ilinniartutut sulineq

Uani www.uni.gl ilinniartutut suliffissaasinnaasut, praktikerfissat aamma nunani allaniissinnaaneq pillugit paasiniaasinnaavutit, tamakku quppernerup saqqaani akuttunngitsumik saqqummersinneqartarput.

Ilinniartunut sullissineq

Ilinniartunut sullisisunut ilinniartitaanermut tunngatillugu pissutsinut tamanut tunngasumik saaffiginnissinnaavutit soorlu ilinniagaqarnersiutit, angalanerit, unikkallarneq, peqataannginnissaq, ECTS aamma ilinniarnermi siuariartorneq il.il.

Ilinniartunut sullisisut ilinniarfeqarfimmi Ilimmarfimmi aamma Ilinniarfissuarmi pissarsiarisinnaavatit – aamma attaveqarfigisinnaavatsigut ugguna: studieadm@uni.gl imaluunniit ilinnia@uni.gl.

Ilinniartunut sullissivik ammasarloq ataasinngornermit – tallimanngornermut nal. 08.00 - 16.00.

Ilinniartut taamaatiinnarnissaannik pinaveersaartinniarlugu iliuutsit

Ilinniartunik siunnersuisartut suleqatigalugit ilinniartut ilinniakkaminnik ingerlataminni ECTS pointiminnik kinguaattoorsimasut iluarismaarinninneq pillugu oqaloqatiginiarlugit aggersartarpavut. Oqaloqatigiinnerni taakkunani ilinniarnermi kinguaattoornermut patsisaasinnaasut qulaajarniartarpavut, kiisalu ataatsimoorluta iliuusissat nassaariniartarlutigik taamaaliornikkut ilinniartut siumut saallutik ingerlaqqissinnaaniassammata. Ilinniarneq Sullissinermi ilinniartut ilinniakkaminnik ingerlatsiinnarnissaat assut perusupparput aamma sapinngisatsinnik ilinniakkaminnik naammassinninnissaannut ikiorusullutigik.

Intraneti

Ilisimatusarfip intranetiani www.uni.gl nutaarsiassat, aaqqissuussinerit, skemat, pensum, kursusit pillugit nassuaatit, soraarummeernermeri maleruagassat, ilinniartunik ilitsersuineq pillugu paassisutissat, akiliunneqarluni angalanissamut qinnuteqarnermut immersugassat assigisaallu. Taamaattorli malugiuk intraneti atorunnaarsikkiartoratsigu atortumik allamik taarserneqassamat.





J - P

Kantiina

Ullaakkorsiutinik, ulloqeqqasiutinik il.il. assigiinngitsunik neqerooruteqarpoq akisualaanngitsunik.

Ullut tamaasa ammasarloq nal. 8.00 – 15.00-ip tungaanut.

Karakterit aamma karakterit tulleriaarnera

Fagit ilaat GGS skala atorlugu nalilerneqartarput, allat nalilerneqartarput angusivoq/angusinngilaq. Allattariarsornermi karakterit ilinniartumut, soraarummeernerup kingornatigut kingusinnerpaamik sapaatit akunneri sisamanngorneranni, saqqummiunneqartarput. Wiseflow nakkutigiuk tessani karakterit nalilersorneqareerpat takusinnaavat.

katak.gl

Atuakkat atuagaateqarfimmit atorniarneqarsinnaasut pillugit iserfissaq.

Studiekortit atuakkanik atorniarnermut atorsinnaavat, studiekortit nutarterneqarpat aamma taanna atuagaateqarfimmi nutarterneqassaaq.

Kollegie aamma pissutsit tamatumunnga tunngasut

Kollegiemi ini pillugu apeqqutit tamarmik saaffiginnissutigineqassapput uunga:

kafadm@uni.gl.



Ilinniartunik sullissiviup kollegieni inissanik tunniussisarneq aamma allaffissornikkut suliaqarneq sunniuteqarfigisinnaanngilaa.

Taamaattorli paasissutissat pingaaruteqartut marluk ingerlateqqippavut:

1. Kollegieni inissat pequsorsorneqanngillat. T.i. illit nammineq inip pequsorsorneqarnera tamaat A-mit Z-mut isumagissavat.
2. Inimik paarlaateqatigiinnissaq imaluunniit nuunnissamut kissaateqarnissaq kollegiemi inissamik tunineqareernerup kingornatigut periarfissaanngillat.

Lectio

Ilinniarneq Sullissinermi lectio (ilinniartitsinermi allaffisornermi atortoq) Ilisimatusarfimmi aasap ingerlanerani atuutilersittussaavaa. Paasissutissanik sukumiinerusunik septembarimi atuartitsineq aallartippat malinnaatinneqarumaarputit.

Legatinik ujarlerneq

Ilisimatusarfimmit aningaasaateqarfiiit ilinniartut legatinik/ningaasaateqarfinnit tapiiffigineqarnissamut qinnuteqaateqarfigisinnaasaat ataatsimoortillugit takussutissiarineqarput. Takuuk una www.uni.gl.

Mentorit

Ilinniartitaanerit amerlanerit ilinniartuuusimasunik utoqqaanernik sulegateqarput, taakkua ilinniartunik aallarteqqaani siunnersortitut (mentor) suliaqarnermik ingerlatsisarput.

Taakkua ilisimasaat aamma misilittagaat atorluartakkit taamaalillutit Ilisimatusarfimmi ilinniakkamik ingerlatsininni piffissaq oqinnerulissammat. Siunnersortitut aaqqissuussineq pillugu sapaatit akunneranni aallartiffiusumik amerlanerusunik paasitinneqassaatit.

Mentori

Mentorimik pisariaqartitsiguit, ilinniakkanik ikiortigisinnaasannik, uni mail alakkaruk, tassunga nassiunneqartarput mentoritut nalunaarsorsimasut allattorsimaffii.

Merit

Institutråd naammasseriikkanik nuutanik (merit) tunniussisinnaavoq tassa ilinniakkanik aaqqissuussinerni Ilisimatusarfimmi imaluunniit universitetini allani siusinnerusukkut soraarummeernermeri angusiffiusimasunik.

Immersugassaq uani nanisinnaavat



Microsoft office 365 – ilinniartunut

Ilinniartut Office 365 namminneq PC-minnut aamma/imaluunniit Mac-iminnut aasinnaavaat ikkullugulu. Office 365 atortunut tallimanut ikkunneqarsinnaavoq.

Programmi akeqanngilaq Ilisimatusarfimmi ilinniartuunerit tamakkerlugu. Iserit uunga <http://portal.office.com>

Loginissaatit illit brugernavn@uni.gl atorlugu, e-mailadressivit assigaa.

Office-mik allamik ikkutaqarsimaguit Office 365 ikkutsinnagu taanna peeqluaassavat.

Naammagittaalliorissamut ilitsersuut



Naammagittaalliorissamut ilitsersuut.p

Napparsimanermi qjortakkanik qjorsineq

Illit nammineq napparsimaleruit imaluunniit ilaquettavit qanigisavit napparsimanerani imaluunniit <https://iserasuaat.gl/daka/opslag0.png> toqukkut qimاغunnerani, taava periarfissaqarputit immikkut qiugassanik qinnuteqaateqarnissamut taamaalillutit toqqissillutit ilinniarnersiuttit pigiinarsinnaavatit, naak pissutsit ilinnut tunngasut/napparsimanermik pissuteqartut pissutigalugit ilinniarninni kinguaattooraluarlutit. Immersugassaq uani@uni.gl immersussavat uunga studieadm@uni.gl nassiatassat, tassunga ilanngutissavatit nakorsamit allagartaq aamma nammineq allatat tassani soog qinnuteqaateqarnerludit naatsumik nassuaatigissavat.

Nunanut tamalaanut allaffik

Eqqarsaatigigukku nunami allami semestereqarniarludit imaluunniit praktikerniarludit, taava nunanut tamalaanut ataqtigiissaarisorput Per Arnfjord per@uni.gl saaffigiuk siunnersortinniarludit aamma ilitsersortinniarludit.

Nunami allami ilinniakkamik ingerlatsineq

Nunami allamik ilinniernerpit ilaaniq ingerlatsiniaruit, alloriernerit pingarnerit aajuku:

- *Universitetimi pikkorissarnermik nassaarit, tassani Ilisimatusarfik uanga peqarpoq [partnerskabsaftale](#)*
- *Pissarsiariuk una [forhåndsgodkendelse for kurserne](#) immikkoortortaqarfimmi pisortannit*



- *Ilisimatusarfimmi Nunanut Allanut Allaffik ilisimatiguk (taamaalilluta toqqassagatsigit)*
- *Nunami allamik universitetimut atuarnissannut qinnuteqarit*
- *Nunami allami universitetip akuerereerpatit: atsioruk 'learning agreement'*
- *Qinnuteqaateqarit offentlig finansiering (angalaneq & ineqarnermut akiliummik utertitsineq)*
- *Qinnuteqaateqarit ekstern finansiering*

Tamatuma kingornatigut Ilisimatusarfíup Nunanut Allanut Allaffiata isumagissavaa, illit pissarsinissat makkuningga:

- *Pisortaatigoortumik uppernarsaasersuut tassani nassuaatigineqarluni nunami allamik ilinniarnermik ingerlatsinerpit nalaani aningaasatigut tapersorsorneqartutit*
- *Sillimaserneqarnermut tunngasut annertuut*
- *Qaammammut annertusisamik 'ilinniagaqarnersiuteqarneq' (taamaallaat Naalagaaffeqatigiinnerup avataani ilinniakkamik ingerlatsinermi)*

Nunami allami ilinniakkamik ingerlatseerlutit uteqqikkuit, taava qinnuteqaatigissavat [søge om merit for dine kurser](#).

PC

Ilinniarnerit aallartikkukku piumasaqataavoq nammineq angallattakkamik qarasaasiaqarnissat. Taanna illit ilinniarnerit tamakkerlugu sulianut atugassatut isigissavat soorunami atuartitsinernut nassartassavat aamma soraarummeernernut.

Atuakkanik, atuagassianik il.il. ujarlissaguit atuagaateqarfimmi PC-qarpoq sisamanik atorneqarsinnaasunik. Taakkua atorlugit atuagaateqarfimmi base ujarlerfigisinnaavat aamma illit ilinniarninnut isumallutissanik allanik nassarsinnaavutit. Tamatuma saniatigut inimik allannermut atugassamik peqarpoq PC-qarluni atorsinnaasassinnik assersuutigalugu nammineq PC-t qimattoorsimagukku.

Pitaq - studenterrådi

Studenterrådi Pitaq quleriit pingajuanni allaffeqarpoq pingasunngornerit tamaasa ataatsimiittarput, suliarisarlugit assigiinngitsut piareersagassat, aaqqissuussinissat imaluunniit allat nuannersut.



Pitarfik

Tassaavoq ilinniartunut ini tassani qasueraartoqarsinnaavoq, nuannisaarluni, brætspil atorlugit unammiaarluni kaffisuataarluni/tiituataarluni imaluunniit nerrivimmi arsaararluni. Pitarfik studenterrådimit Pitamit pilersinneqarpooq ilinniartut ataqtiginnerunissaat aamma anersaartorfeqalaarnissamut periarfissaqarnissaat anguniarlugu.

Praktikerneq

Ilinniartut ilinniakkamut attuumassuteqartumik qaammammik ataatsimik sivisunerusumik praktikernissamut periarfissaqarput, Ilinniagaqarnersiutit pillugit Namminersorlutik Oqartussat nalunaarutaat nr. 9, ulloq 19. juli 2017-imeersumi, § 42 naapertorlugu, tassanilu pisinnaatitaaffigaat:

- *illoqarfimmit ilinniarfiusumit praktikerfissamut utimullu angalanermut akiliunneqarneq*
- *pisariaqartumik najugaqarnermut aningaasartuutinut tapiiffigineqarnissaq*

Periarfissaq tamanna pillugu annertunerusumik paasisaqarniaruit ilinniakkami ingerlatanni immikkoortortami pisortaq attaveqarfigiuq, kiisalu angalanermut tunngasut il.il. taakkua pillugit, taava uunga studieadm@uni.gl saaffiginnissaatit.

Paasissutissat nalinginnaanerusut uani:

<https://intranet.uni.gl/studerende/studieservice/praktikophold.aspx> pissarsiarineqassapput.

Pujortarneq aamma qui pujortartarfik

Ilisimatusarfip eqqaani kujammut samminerani quimi pujortartarfimmi taamaallaat pujortartoqaqqusaaavoq. Tassunga anillassaaitit inimi allermi atisaajartarfik aqqutigalugu.



S - Å

Semester

Ukioq atuarfiusoq semesterinut marlunnut avinneqarpoq. Ukiakkut semesteri tassaavoq 1. september juullimi sulinngiffeqarnerup tungaanut. Januari tassaavoq ilinniakkani amerlanerni soraarummeerfiusartoq. Upernaakkut semesteri tassaavoq 1. februar aasaanerani sulinngiffiup tungaanut. Juli aamma august qaammatit sulinngiffeqarfiupput taamaallaat ilinniartitsinermik ilisimatusarfik pinnani, taanna augustip qeqqani aallartittarpoq.

Semesterimi atugassanut ilisivik

Quleriit pingajuanni ilisiveqarpoq ilinniakkani assigiinngitsuni semesterikkaartumik atuakkanik atugassanik imaqartumik. Atuakkat atuagassatut imaluunniit kopiigassatut atugassiarineqarput, kisianni ilisivimmit peeqlusaannngillat (soorlu angerlaallugit imaluunniit illumi quleriinnut allanut ingerlallugit) tassami ilinniartunut tamanut atorneqarsinnaassammata.

Atuakkat semesterimut ilitsivimmi amigaataappata taava ilinniartooqatitit aperikkit atuakkamik tigummiaqarnersut.



Sikkilinut inissiiviit aamma sikkilinut qui

Sikkilip Ilisimatusarfiup eqqaani aamma iluani inissinnissaanut periarfissaqarpoq. Illup iluani sikkilinut inissiisarfik ini atisanut nivinngaasarfiup eqqaaniippoq.

Siulersuisut:

Ilisimatusarfimmi siulersuisut nutaat 25. august 2020 inissitsitserput – tassani ilaasortaapput avataaneersut arfinillit ilisimatusarfimmeersut tallimat. Siulittaasoq tassaavoq Suzanne Møller. [Siulersuisut pillugit immikkualuttut amerlanerit atuarneqarsinnaapput uani](#)

Soraarummeerneq aamma soraarummeeqqinnej

Illit atuartinneqartunut malitannut automatiskiusumik soraarummeernissamut nalunaarutigineqassaatit. Paasissutissat atuaqatigiinnit pissarsiarisarpavut soraarummeernissaq uani wiseflow pilersikkaangatsigu. Periarfissaqarputit soraarummeernermut peqataanissavit taamaatinnissaanut, tamanna pissaaq kingusinnerpaamik soraarummeerfissatut pilersaarutaasoq ullunik 14-inik sioqqullugu.

Uunga allasaatit: eksamenskontor@uni.gl.

“Kingusinaartumik peqataannginnissamut nalunaaruteqarneq” soraarummeernermut peqataasimanertut naleqarpoq.

Soraarummeernissamut pilersaarut ukiuunerani soraarummeernissamut tunngasoq kingusinnerpaamik 15. novembari tamanut saqqummiunneqartarpoq, kiisalu aasaanerani soraarummeernissamut kingusinnerpaamik 15. aprili lectio-mi aamma wiseflow-imi saqqummiunneqartarput. (Paasissutissat kinguliani takuneqarsinnaapput).

Soraarummeeqqissaguit taava immersugassaaq onlinemijittoq immersorlugu peqataanissat nalunaarutigissavat: kingusinnerpaamik 20. Sep. (ukiukkut) kiisalu 15. marsi (upernaakkut) https://f.momentumtools.io/?form=v4_iasohxsbfca

Soraarummeernerit aamma soraarummeeqqinnerit pillugit paasissutissat allat uani takusinnaavatit:

<https://intranet.uni.gl/studerende/studieservice/eksamen-reeksamens.aspx>

Soraarummeerneq pillugu naammagittaalliorneq

Illit pisinnaatitaavutit soraarummeernerpit nalilerneqarnera, soraarummeernermi ingerlaneq imaluunniit soraarummeernermut tunngaviusut pillugit naammagittaalliorsinnaanermut. Oqaluttariarsornermi aamma allattariarsornermi soraarummeernerit naammagittaallitigisinnavaatit. Taamaattorli iluaqutaassaaq illit ilinniartitsisut attaveqarfigeqqaarakku pisortatigoortumik naammagittaallornissat sioqqullugu. Ilinniartitsisup naliliineq imaluunniit soraarummeernissap tungaanut ingerlasimaneq nalilissallugu tunngavilersuisinnaasariaqarpoq.

Soraarummeerneq pillugu naammagittaalliorneq immikkoortunut pingarnernut sisamanut agguarneqarsinnaapput.

1. Apeqqutit inatsisinut tunngasut – pissutsit Naalakkersuisunit inatsisikkut aalajangersarneqarsimasut.



2. Soraarummeertitsinermi tunngaviusut (apeqqutit, suliakkiissutit, ilitsersuineq il.il.)
3. Soraarummeernerup ingerlanera
4. Naliliineq (karakteri).

Pingaauteqarpoq naammagittaalliuutinni erseqqissumik paasissutissutiginissa, pissutsit sisamaasut akornanni sorleq naammagittaalliuutiginerlugu. Nalorniguit pissutsit taakkua arlaat sorleq pinerlugu, taava nangaassuteqarnak Ilinniarneq Sullissineq attaveqarfigisinnaavat.

Soraarummeernermi naliliineq naammagittaalliuutiginiarukku, taava tamanna allakkatigut Ilinniarneq Sullissinermut ingerlatinneqassaaq, naliliineq tigoreerukku sapaatit akunnerisa sisamat ingerlaneranni. Naammagittaalliuuteqarneq allaganngorlugu uunga studieadm@uni.gl imaluunniit ilinnia@uni.gl (Ilinniarfissuarmi ilinniartunut) tunniunneqassaaq.

Soraarummeernermi uukapaatitsineq aamma allat allaaserereersimasaanik assiliineq
Soraarummeernermi uukapaatitsinermut ilaapput peqquserlulluni allanngortitsineq, allat allaaserereersimasaannik assiliineq, nipangiussiinnarneq, soorlu assersuutigalugit paasissutissanik pissarsiffinnik ilanngussinnginnejq imaluunniit allatut pineqartup suliai imaluunniit angusai pillugit puupassaarineq. Ilinniartooqatigisap uukapaatitsineranik ikuuineq maleruaqqusanut ilaatinneqarpoq. Uukapaatitsiniarluni misiliineq uukapaatitsinertut piviusungortinnejqarsimasutut suliarineqassapput.
Soraarummeernermi uukapaatitsinermik pasitsaassaqarneq soraarummeertitsisumut aamma/imaluunniit censorimut nalunaarutigineqassapput, tamatuma kingornatigut ilinniartoq tusarniaaffigineqassaaq aamma immikkoortortaqarfimmi aqutsisoq peqataatinneqalissalluni. Soraarummeernermi uukapaatitsineq paasineqarpat aqutsisoq akisussasausoq (taanna tassaagajuttarpoq immikkoortortaqarfimmi aqutsisoq) aalajangiissaaq ilinniartumut qanoq ittumik kinguneqartitsinissaq pillugu.

Studiekorti

Ilinniarnivit allartinnerani studiekortimik tunineqassaatit taanna Ilisimatusarfimmi ilinniakkamik ingerlatsisutut uppernarsaatitut atussavat. Ilinniarneq Sullissinerup sapaatit akunnerani aallartiffiusumik assilineqarnissat isumagissavaat aamma allagartaq sapinngisamik piaartumik piareersimaneqassaaq.
Allagartaq atuagaateqarfimmi atuakkanik atorniarnermi atorsinnaavat imaluunniit pisiniarfinni il.il. ilinniartunut akikillisaasartuni atorsinnaavat.

Sulilernissamut ilitsersuineq

Ilinniartitaanerit ilaasa ilinniartunik sulilernissamut sammisaqartitsineq pingaartippaat, taamaaliornikkut ilinniartut isumassarsisinnaammata ilinniakkaminnik naammassinnikkuni atorfinnut sorlernut qinnuteqarsinnaanerlutik.



Torersaaneq

Innersuussutigaarput atorsimasatit atoreerukkit kusarnartumik inisseqqittassagitit – apeqqutaatinnagu sumiissimanerit. Universiteterput kusanartuuvoq aamma eqqiluitsuulluni aamma taamaattuaannarnissaanguniassavarput.

Unikkallarneq

Periarfissaqarputit ukioq ataaseq angullugu ilinniarninnit uninngallarnissamut qinnuteqaateqarnissamut. Unikkallarnissamut qinnuteqaateqarnissamut immersugassaq immersoruk uungalu nassiullugu studieadm@uni.gl NB eqqaamallugu ilinniarnerit ingerlateqqissallugu uternissat qaammatinik pingasunik sioqqullugu nalunaaruteqassagavit.

immersugassaq uani aasinnaavat

Uni-mut isernissaq

Pissutsit “nalinginnaatillugit” aamma piffissap ammasarfiup nalaani Uni iserfigineqarsinnaavoq studiekort atornagu. Matu isertarfik paarnaarsimappat isersinnaavutit studiekort atorlugu taanna kortlæserimut matup talerpiata tungaaniittumut scannertissavat. Unnukkut aamma sapaatit akunnerata naanerani illumut isernissat pilersaarutigigukku taava unnukkut passimik peqassaatit. Ataanittooq takuuk.

Unitsitsineq

Eqqarsaatigigukku ilinniarnerit unitsinniarlugu taava uagutsinnit ilinnut inassutigineqassaaq studievejlederi, studiechef imaluunniit illit ilinniarfinni immikkoortortamut pisortaq oqaloqatigissagit. Immaqa oqaloqatigiinneq ilinnut iluaqutaasinjaavoq kissaatigisannik eqqarsaqqinnissamut. Illilli tamanna aalajangiutivissimagukku, taava atuarunnaarnermut immersugassamik taaneqartartoq immersussavat, taanna uani nassaarisinnaavat.

Unnukkut pas

Nalinginnaasumik ammasarfiit avataanni aammattaaq sapaatit akunnerata naanerani Ilisimatusarfimmikiukusukkuit, taava “unnukkut passimik” taaneqartartumik peqassaatit. Taanna saaffiginnittarfimmi sulisup suliarissavaa. Taanna pigaartut apeqqutigippassuk takutinneqartussaavoq.

Qitornamut tapisiaq

Qitornanut tapisiaqarnissamut periarfissaqarputit illit nammineq qitornannik imaluunniit qitornavissiannik pilersuisussatut pisussaaffeqaruit. Qitornamut ataatsimut qaammammut tapisiaq 1.000 kr. tunniunneqartarpooq.

Qitornamut tapisiaqarnissamut qinnuteqarfissaq immersugassaq uaniippoq

WIFI

Netværk ledningeqanngitsoq toqqaruk ILI mobil. Atuisutut atit aamma kode isissutissaq atoruk. Ajutoorpat misileqqiguk una: www.tele.gl imaluunniit www.dmi.dk aqqutigalugu.



Ilaannikkut aammattaaq iluaqutaasinnaavoq wifi attaveeruteriarlugu misileqqillugu.

Nalorniguit IT-mik ikiusartut attaveqarfigikkit ikiuut@uni.gl.

Wiseflow

Ilisimatusarfimmi soraarummeernermut programi taaguutilik wiseflow atorneqarpoq oqaluttariarsornermi aamma allattariarsornermi soraarummeernernut tamanut, taamatuttaaq suliakkiissutinut tunniussassanut nalilerneqartussanut. [Isernissamut ilitsersuut naatsog.](#)



INIT SUMIINNERAT ILIMMARFIK



